

Kardinal Puljić na misi Ponoćki poručio: Vratimo se Bogu, sebi i jedni drugima

25/12/2017 16:03 by Administrator

Nadbiskup metropolit vrhbosanski kardinal Vinko Puljić predvodio je u Sarajevskoj katedrali Srca Isusova Božićno bdijenje - misu Ponoćku. Vjernici slave rođenje Isusa Krista, Sina Božijeg, pjevaju božićne pjesme i mole se za zdravlje, mir i blagoslov. Misno slavlje započelo je svečarskom pjesmom "Radujte se narodi" koju je izveo Katedralni zbor.

Â

Kardinal je pozvao sve katolike da Božić provedu u miru sa svojim bližnjima, kao i sve ljude drugih vjera da ovaj praznik proslave iz poštovanja. Počelio je da svi katolici istinski prožive radost Božića, a one druge pozvao da se raduju i iz poštovanja dožive ono što katolici vole i slave.

"Dok je oko nas tama, našim okupljanjem slavimo svjetlo - da nam da nadu u vjeroni život. Želimo imati otvoreno srce i da ne klonemo duhom - da shvatimo Bog je blizu", rekao je kardinal Puljić.

Nakon pokajničke molitve i pjesama "Slava vama pastirima" i "Svim na zemlji na mir i veselje", slušbe riječi i Aleluje koja je usklik radosti i hvaljenje Boga, uslijedilo je čitanje Evanđelja.

Kardinal Puljić je kazao kako je simbolika Božića svjetlost Božija koja pomaže svim ljudima da se spase mraka i oslobode ropstva. Jer, nastavio je u propovjedi, nema goreg mraka nego kad čovjek izgubi ljubav, ostane napušten, zaboravljen.

Pročitao je propovjedi proroka Izaia koji je predvodio svoj narod koji je bio u progonstvu i ulijevao mu nadu da se vrati svojim korjenima.

"Često, i kad nije vid najbolji sjetimo se raznih pomagala. Tako se prisjetimo i slikara Gabrijele Jurčića koji je izgubio vid. Komunisti su mu tada obećali platiti da vrati vid, ali on je dobio. Rekao je hvala vam, ali bojim se da neću vidjeti ono što vidim sada kada sam slijep. Neću vidjeti očima duše i u tome smisao i nadu života", kazao je kardinal Puljić.

U poruci povodom najradosnijeg katoličkog blagdana Božića kardinal Puljić je kazao da je čovjeku današnjice potrebna poruka radosti i nade koja kaže da "nam se Bog daruje svojim milosrdjem i praćtanjem, da nas grli svojom ljubavlju".

Dalje u propovjedi je spomenuo bijeg i oslobođenje od ropstva i svakog ovozemaljskog grijeha. Počelio je da zasja Božije svjetlo u srcima ljudi, porodicama, u svijetu.

Spomenuo je pastire kao najjednostavnije i siromašne ljude i rekao kako su oni među prvima doživjeli Božiju milost i svjetlost jer se ona ne mjeri prema moći i imetku, već prema srcu i otvorenosti.

"Zbog toga treba imati u ovoj noći otvoreno srce kako bi nas Božija svjetlost obasjala i pomogla nam da ne klonimo duhom, već da osjetimo Božiju blizinu, jer smisao božićne noći i jeste silazak Boga u našu stvarnost i njegova blizina. Bitno je da nas uvijek vezuje ljudska i Božija blizina", rekao je kardinal Puljić.

BLUSRCU.BA - Stranica za sve banjalučane sirom svijeta!

<http://blusrcu.ba>

Slavimo Isusa, jer on prosvjetljuje smisao života, vraća dostojanstvo čovjeku, rekao je kardinal Puljić.

Naglasio je da je najbitnije da se svaki čovjek vrati svojim korijenima, ali i da uzajamno poštuje i pomaže svakog drugog čovjeka. Rekao je da upravo Božićna noć treba da svakom čovjeku vrati dostojanstvo te da se kroz molitvu, opraštanje i ispovijed ljudi vraćaju Bogu, sebi i jedni drugima.

Rekao je kako je ovih dana saobraćaj bio pojačan i da su svi ljudi uredili svojim kućama i porodicama da sa njima dočekaju ovaj blagdan, ali da su čekali na granicama satima zbog provjera. Stoga je pozvao sve ljude da se oslobode brojnih političkih intriga koje mogu narušavati radost Božića.

Kardinal Puljić je rekao kako svaki čovjek treba težiti skromnosti i jednostavnoću te kao takav biti malen prema Bogu koji je prepun ljubavi i praštanja.

"Upravo u ovoj noći čovjek prepoznaje da je voljeno biće, a to i jeste najljepši osjećaj, biti voljen, a najgori biti odbačen. Zbog toga neka ova noć obuhvati sva srca da niko ne osjeti da je nepoželjan i odbačen jer Bog svakog čovjeka prihvata, ulijeva mu nadu, svjetlost kao smisao života koje hrabri naše korake", kazao je kardinal Puljić.

Na kraju propovijedi rekao je da u sumornoj atmosferi kakva trenutno vlada u društvu čovjek treba hodati uzdignute glave, dostojanstveno i u tom duhu čestitao je Božić svim vjernicima uz želju da im srca budu ispunjena radošću vjere i da tu radost podijele sa svojim porodicama, pogotovo sa nemoćnim ljudima kojima je pomoć potrebna.

Nakon molitvi uslijedila je sveta priča vjernika i završni misni obredi.

Izvor vijesti: klix.ba Prije: E. S. H